



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Vndecimus. Quod finaliter in altiori (scilicet amatiua) virtute,
vniatur diuinae essentiae, vt in se est.

urn:nbn:de:hbz:466:1-9766

Huat atque deficiat in seipsa , ac victa a-
mōre , stupens præ admiratione eius ,
quam contemplatur, maiestatis, ac clari-
tatis immensæ, præ Deitatis, quam cer-
nit, deliciosa serenitate, nesciat de
seipsa. sic quidem repente tam validè
illustratur , ac inflammatur , vt protus
succumbens , vires & sensus corporales
amittat. tunc enim mens in increatae lu-
cis secretum inducta , in infinitæ lucis
abyssu demergitur, in æternæ felicitatis
oceano rapta deperditur : ac amoris
immensi igne inuoluta comburitur : at-
que in superuastissimæ, ac superplanissi-
mæ solitudinis , impertransibili , & im-
mensa amplitudine securissimè errat ,
feliciter deuiat , perdens seipsum , ne-
sciens ubi , vel quomodo .] ita tamen ut
simul , & [quasi a amplexibus amoris ,
quod intus tenet , & nescit quid sit, totis
viribus tenere concupiscat ,] & hoc ip-
sum tandem fieri non tam per actiones
intellectus , quam virtute amatua per-
feccissimè excitata, consequenter dicen-
dum erit ,

*Quod finaliter in altiori (scilicet ama-
tina) virtute uniatur diuinæ Es-
sentie, ut in se est.*

ARTICVLVS V N D E C I M V S.

Quoniam igitur pacto tandem bo-
num consecuturi sumus; bonum
enim intellectu superiori, intellectu non
consequimur. sicut neque intelligibile
sensu. attendenda est ergo [ratio dis-
criminis apprehensiæ, b & appetitiuæ

potentiæ , quæ consistit in modo ope-
randi. apprehensiua enim trahit obie-
ctum ad animum ; appetitiua tendit in
ipsum obiectum ut in se est, extra ipsam
animam. amor etiam cum sit in vi ap-
petitiua , quæ respicit rem secundum
quod in se est; ad perfectionem amo-
ris sufficit quod res prout in se est ap-
prehendatur , & ametur. & ob hoc
contingit , quod aliquid plus ametur,
quam cognoscatur , quia potest perse-
ctè amari , & si non perfectè cognosca-
tur :] hinc etiam [intellectus fit in actu
per hoc, quod res intellecta est in intel-
lectu , secundum suam similitudinem ,
voluntas autem fit in actu, non per hoc,
quod aliqua similitudo voliti sit, in vo-
lente, sed ex hoc, quod voluntas habet
quandam inclinationē ad rem volitam.
processio autem quæ attenditur secun-
dum actionem voluntatis nō conside-
ratur secundum similitudinē, sed magis
secundum rationem impellentis, & no-
nētis in aliquid.] iure meritò ergo super
intellectum ponimus bonum tanquam
id quod intellectu latius sit. intelligen-
tiā enim videmus non seipsa contem-
tam esse; sed tanquam finem appetere
intelligibile , vel plusquam intelligibile
bonum. imò neque essentia , neque
vita, neque mens seipsa contenta est; il-
la enim ad vitam semper annititur, hec
ad mentem , mens ad bonum , tum in-
telligendo, tum volendo. Bonum vero,
cum in resoluendo sit ultimum, ad aliud
non contendit: nam sufficienter per in-
tellectum prius mota [voluntas d seip-
sam

a S.Bonav.jelil.c.2.ex Aug. b S.Th.1.2,q.27.a.2. c Opusc.53.de intell. & intellig. d 1. q.9.a.3.5.

sam mouet:] & diuinæ essentiæ vnitur
vtrin se est. [cum enim Deum & per vo-
luntatem diligo, meipsum transformo.
Hæc enim est virtus amoris vt talem te
esse oporteat, quale est illud quod a-
mas.] [principalis enim b affectio quæ
est scintilla syntesis, sola spiritui diuino
vnibilis non minus excedit intellectū,
quam intellectus rationem, & ratio i-
maginationem: vnde & actionem suam
ab intelligentia totaliter separatam ha-
bet, eidem mirabiliter supereminens.
sicut Ordo Seraphin, qui interpretatur
ardens, est vicinior Deo quā Cherubin,
qui interpretatur plenitudo scientiæ, &
per consequens vberius, perfectius, &
prius recipit à Deo influentiam. & hæc
potentia vt est supremum in spiritu, ferè
ab omnibus ignoratur, nisi quibus ab
igne Spiritus Sancti, apex affectus im-
mediate tangitur, & mouetur.]

In praxis igitur exercitio, & quando
per species expressas intellectus agentis,
ac stylo ordinario, modi operandi su-
pernaturaliter per dona intellectus, ac
maximè sapientiæ: vel quando non per
species infusas, seu eminentiori modo,
scilicet per immediatas commotiones
voluntatis à Spiritu Sancto excitatas si-
ne prævio intellectu directo, procedi-
tur. [intellectus c & superior affectus
aut amatiua vis pariter graduntur ad
perueniendum in Deum, vsque ad ex-
tremum, quo intellectus peruenire po-
test. dein intellectus cum omni consi-
deratione manet foris, & vis amatiua

sola ingreditur.] quia sufficienter [bo-
num d intellectum est proprium obie-
ctum voluntatis.] ita vt ad perfectio-
res, & sibi soli debitas functiones exer-
citio intellectus non egeat. hinc [a-
ctui dilectionis e conuenit vnire, &
transformare; hoc autem nullus attri-
but intellectui propriè, & sic patet pla-
nè, quod actus dilectionis excellit, &
præcedit actū cognitionis intellectua-
lis in aliquo gradu: in quantum autem
illum excellit, in tantum etiam excedit,
attingendo Deum in aliquo gradu di-
lectionis, ad quem actus intellectus ex-
tendi non potest, quia superintellectua-
lis est, saltem in hac vita, quia in patria
videbimus Deum sicuti est.] iam velim
[intelligas f quanta sit vis veri amoris, &
dilectionis, si tamen intelligi potest;
quoniam dilectio supereminet scientię,
& maior est intelligentia, plus enim di-
ligitur, quam intelligitur. intrat dilec-
tio, & appropinquat, vbi scientia fo-
ris stat.]

Cæterum in hac eminenti voluntatis
actione, & vita mirabile profecto est
boni ipsius imperium; incredibilem
namque facilitatem cum immensa po-
testate coniungit: cum enim infinitate
possit omnia prorsus implere, vim infert
nulli. omnia vel minima quæque, per-
suasione quadam occulta facilè ducit,
mouetque vltro moueri volentia; cum
que nihil res omnes velint suapte natu-
ra nisi bonum, nullius imperium magis
voluntarium, & clementius, & suauius

est,

a S. Bonau. folil. ex S. Bern. in med. c. 1. b Harph. l. 1. p. 2. c. 48. c Idem l. 2. p. 3. c. 58. d S. Thom.
l cont. Gent. c. 81. e S. Bonau. s. itin. ater. d. 5. f S. Bonau. itin. s. ater. d. 5. ex Hug.

est, quam Boni. cum etiam [affectus sit quædam & spontanea, & dulcis ipsius animi ad (Deum) inclinatio:] res appetenda b facilius mouet, sua bonitate,] ipsam voluntatem reciprocè: [per c appetitum scilicet, per quem omne mouens per se mouetur:] ita ut [amor ipse secundum quod est propensio d amantis in bonum amatum, sit velut nexus, & vinculum vtriusque.] & sic [e amor suapte natura contendit ad vniōnem non solum per affectum, verum etiam per realem amantium coniunctionem illam, quæ sit possibilis.] præsertim cum sit motus intimus efficaxq[ue] ad vniendum, & commiscendum, præstantique modo res inter se colligandum. [nec ullum patiatur f medium inter se, & obiectum, quod est Deus; sed vehementer tendat in ipsum immediate, nec vñquam quiescat donec omnia transeat, & ad ipsum & in ipsum veniat.] idque [impetus sui ardoris desiderij, quem sequens amato appropinquat quantum potest; & eò amplius sitiens intrare ipsum cupit, & esse cum Christo, & tam propè, vt si fieri possit, hoc idem ipsum sit, quod ipsum est.] atque ita [quod est pondus in corporibus, hoc est amor in spiritibus. amor meus, pondus meum h eò feror quounque feror. dono tuo accendimur, & seorsum ferimur, inardescimus, & intus ascendimus per ascensiones in corde, ad pacem Ierusalem.] hoc autem pondus Spiritus san-

cti, nescit tarda molimina. vndē eiusmodi [motione, & inhibitione i tendente in rem amatam nihil velocius; nihil acutius, nihil subtilius amore, aut penetrabilius: quia natura non quiescit, donec naturaliter totam amabilis penetrauerit virtutem, & profunditatem, & totalitatem quantum potest;]

Tum demum voluntate scilicet, seu amatiua virtute, tam eminenter in consortio diuinæ naturæ vnta, indicibili gaudio, [inter actionem k & otium, amor & fruitio viuunt. amor semper vult operari; quandoquidem perennis est actio cum Deo; fruitio semper otio vacat, cum sit supra velle, ac desiderare in dilecto, in formæ-nescio, ac nudo amore complexus.] ita ut mysticus [nec lsciat, nec sentiat seipsum, neque Deum, neque creaturam aliquam, nisi solum amorem quem gustat, & sentit, à quo possidetur in quadam simplici, & nuda otiositate feliciter.] quod autem in amore tam eminenter, & intense exicto adhuc etiam diuinum quoddam lumen permaneat, consequenter dicendum est,

Quod nimirū hoc stante amoroſo voluntatis excessu ſaltem coexistat in mente diuinum lumen, intellectus ſuperius.

ARTICVLVS DVODECIMVS.

I Am fortè querat aliquis primò, an intellectu hic foris stante, & nullum

a Harph. l 3 p. 2. b c 9. ex Hug. c S. Thom. cont. Gent. l. 1. c. 13. d 2. 2 q 82. a. 1. e 1. 2. queſt. 28. a. 1. f S. Bonav. 4. itin. atern. d. 6. g Hugo apud S. Bonav. ibid. h S. August. l. 13. confess. c. 9. i Lincon. apud Bonav. 4. itin. atern. d. 5. a. 3. k Rusbroch. de 7. amor. grad. c. 14. l Taul. inflit.